

續修四庫全書

《續修四庫全書》編纂委員會編

續修四庫全書

上海古籍出版社

一六四八・集部・總集類

欽定全唐文一千卷總目三卷（卷八百十二至卷八百七十三）

〔清〕董誥等輯

.....
一

欽定全唐文卷八百十二目錄

劉崇望

授翰林學士鄭延昌守本官兼中書舍人制

授中書舍人崔凝右補闕沈文偉並守本官充翰

林學士制

授鄭紹業工部尚書制

授前峽州刺史李授光祿少卿制

授陵州謝瞳兼御史中丞前舒州司馬倪徽端州

刺史制

欽定全唐文卷八百十二 目錄

卷八百十二

目錄

一

授王搏檢校殿中侍御史充義成軍節度推官制

授張道蔚朔方節度供軍判官隴州防禦推官李

融宏文館校書郎充職等制

高銳奏從事陳璩等三人授官制

加外藩佐僚郎等將制

授侯蘊贊善大夫李仁誨棣州長史蘇汾坊州長

史制

授楊鑑西水縣令張廷濟永清縣令盧軻新鄭縣

令孫球下邳縣令等制

授楊宏範郿縣令制

授薛璫新鄭縣令賈希弼汧源縣令李牟麟遊縣

令等制

授楊彥奉國縣主簿尚殷美萬歲縣主簿制

授掖庭局丞賜緋張嗣復內局令判內僕局丞制

授孫可讓內僕局丞制

授奚官局丞上柱國西門廷暉掖廷局丞制

授儒林郎內府局丞賜緋魚袋楊復隨給事郎行

內侍省奚官局令制

欽定全唐文卷八百十二 目錄

卷八百十二

目錄

二

中書舍人苗深母瑯琊郡太君王氏封瑯琊郡太

夫人祠部郎中知制誥張文蔚母扶風郡太夫

人蘇氏封馮翊郡太夫人等制

石門扈駕功臣六都指揮使檢校司空孫德威母

博陵崔氏封博陵縣太君制

劉處靜

洞元靈寶三師記序

元墟墓誌銘

高漢

呂用之罪狀疏

鄭仁表

左拾遺魯國孔府君墓誌銘 并序

裴樞

建石室以藏神主議

許崇

唐故浙江道五部兵馬大元帥平南節度使銀青光祿大夫檢校尚書令戴公墓誌銘 并序

馮贇

馮贇

欽定全唐文 卷八百十二 目錄

雲仙雜記序

樂彥禎

致太原汴州兩鎮書

鄭嗣昌

建尊勝幢記并讚

周繇

夢舞鍾馗賦

欽定全唐文卷八百十二

劉崇望

崇望字希徒河南人邢國公政會七世孫咸通十五年登第累遷司勳吏部二員外郎僖宗時擢翰林學士遷戶部侍郎承旨轉兵部昭宗即位進中書侍郎同中書門下平章事大順初爲門下侍郎加尚書左僕射代時溥爲武寧軍節度使溥拒命還爲太常卿王行瑜入誅執政貶昭州司馬行瑜誅召爲吏部尚書徙兵部光化二年卒贈司空授翰林學士鄭延昌守本官兼中書舍人制

欽定全唐文 卷八百十二 劉崇望

勅以爾影纓著稱夢筆爲文富以美才披其禁闥典由中之詔成布下之言方謂得人雅當入侍蓋聞羊祜謀議是草皆焚周仁重厚其言不泄親近之地慎密爲先爾旣不能何爽居外西省亦吾教誥之地戒之可矣可依前件

授中書舍人崔凝右補闕沈文偉並守本官充翰林學士制

林學士制

勅具官崔凝等凡帝王有應制侍從之人蓋思其朝夕匡益也下詔先視質疑如流茲所以潤色出言交修發號大漢氏設玉堂內署開金馬外門得人甚多斯道大振顧是

眇末敢忘師虞職思其流以備左右俄聞家遺清風人懷恭德能濟其美者伊凝有之三代絲綸一門冠蓋不墜其業者伊文偉有之而皆以墨妙詞芬策名試第謙無矜物敏以適時周旋鳴玉之儀頡頏攀雲之路訪於執事亦進厥良真我雍容之列所宜者也敬承密命允叶同時可依前件

授鄭紹業工部尚書制

勅具官鄭紹業族掩五侯家多萬石盈數大名之後高門陰德之餘茲實生賢聿來佐國而勵精士節炳煥人文韻

欽定全唐文

卷八百十二

劉崇望

三

宇宏深智度恢廓比博能於武庫方俊德於神鋒終始令圖出入大任丹墀絳闕自風體而宏多起草掌綸由天才之足用洎揚我休命出守荆門頗聞理聲急於徵請入則思邦家之久計出則擁旄節之上游良佇忠貞乃期康濟爰從分務曠已歷時如聞舒不疚之懷安無怨之地雖有簞輶之樂寧無憔悴之容能用善人我實所慕是命進爾於冬官八座乃庶績彝倫之所由焉祇若朕言克邁乃訓

授前峽州刺史李授光祿少卿制

勅近出天屬富有吏能進士以來恪勵無替覽宗正列狀

念夷陵當官公舉何多獎用宜及仍聞罷退曠有歲時誠曰任能亦既振滯光祿古官也而比朝於今兼掌九重是命爾司少其事勉幹吉蠲之職無忽裡祀之官可依前件

授陵州謝瞳兼御史中丞前舒州司馬倪徽端州

刺史制

勅某官謝瞳等欽惟漢宣帝以英主御無事之朝尚思良二千石以之共理伊予冲昧適丁艱難每以一麾假人既重且慎每聞謝瞳以勇誅暴而去害以義利物而移風儻願得之於一年宜用試之於千里聞爾倪徽久從進宦皆

欽定全唐文

卷八百十二

劉崇望

三

著任能委以方州冀爲良牧吁舍哺鼓腹是安人之謀雷犢懸魚乃潔已之操惟一二之事皆古之賢刺史所行以爲爾資庶洽予意有以憲丞寵官攝之任昭璫遷刺史之班子於疲黎無所愛惜吁往哉可依前件

授王搏檢校殿中侍御史充義成軍節度推官制

勅王搏名以文舉祥以履光敬以交人善爲知已鐵鉞開幕台鉉奉藩方虛婉婉之籌乃顧翹翹之乘能不輟我周袞之任樂爾漢相之徒建禮部郎官惠文御史敬思寵數勉罄嘉猷可依前件

授張道蔚朔方節度供軍判官隴州防禦推官李

融宏文館校書郎充職等制

勅張道蔚等糧餉其軍防虞所理况自邊徼必資強能是命擢以校文寵茲佐畧宜思績効無忝從戎可依前件

高銳奏從事陳璩等三人授官制

勅高銳等既以勤心定賓主之分宜頒嘉命爲官屬之榮同參執法之司勉副知人之地期將盡力共贊成功可依前件

加外藩佐僚郎等將制

欽定全唐文

卷八百十二

劉崇望

四

勅具官某等或游徼罷居堙鬱彈冠之望或指揮効用周旋免胄之行幹以奉公恭而事上允當選舊亦旣賞勞禁旅親營實在將軍之令雄藩武帳宜增列校之威各命寵遷勉成茂績驟升郎佐無忝官勞可依前件

授侯蘊贊善大夫李仁誨棣州長史蘇汾坊州長

史制

勅某官某等或以忠勤彰於侯正或以奏獻著彼勞能况侯蘊李仁誨親奉禁營始陪輦路不有遷命將何勸人可依前件

授楊鎰西水縣令張廷濟永清縣令盧軫新鄭縣

令孫球下邳縣令等制

勅昔魏郡十五城獨繁陽有異政漢史書之以其爲縣之才未易得也今我擇官憂人之際一朝以難得之才待鎰等四子其何如哉將責試功亦宜申命爲政如御不可改轍而行爲政如農惟在勤思其事無或窮人使爲盜也書稱以庸本朝旌賞遽以印綬光命之球蓋延餘師溥之所舉乃爲之酌當務其實可依前件

授楊宏範郿縣令制

欽定全唐文

卷八百十二

劉崇望

五

勅楊宏範能以下位伸於上聞諒屬驅馳不避繁劇郿大邑也有民人焉勉揚仁風無辱公舉可依前件

授薛璿新鄭縣令賈希弼汧源縣令李牢麟遊縣

令等制

勅薛璿等我聞焦贛之伺奸邪虞詡之推盤錯皆屏盜之迹爲治縣之先盜旣不興縣是用保今其時也勉思齊之其於政之善惡人之理亂賞罰甚明足以自擇璿得銀章無忘兢惕

授楊彥奉國縣主簿尚殷美萬歲縣主簿制

勅楊彥等主簿之官大要在其勾稽一同百里不亦難乎無言小官而忘幹事黜陟勸沮勉自爲謀可依前件

授掖庭局丞賜緋張嗣復內局令判內僕局丞制
勅具官張嗣復性推端慎才任公方居爲勵已之能動有逸羣之度爰當職局備覩通明諒此精修諧於擢用是命伸其寵獎延以上司俟典幹之繼聞顧優崇之何遠敬思勉勵政乃騰翔可依前件

授孫可讓內僕局丞制

勅孫可讓才質相高謙和特立秉端正恭敬之禮備起居

欽定全唐文

卷八百十二

劉崇望

六

左右之勤入用甚優前途更遠實諧獎進俾列官司勉副寵榮無忘夙夜可依前件

授奚官局丞上柱國西門廷暉掖廷局丞制

勅廷暉出入禁門周旋賓地恭敬之心無失公忠之節愈明必有才能可當委用勉荷特遷之命宜思與進之途可依前件

授儒林郎內府局丞賜緋魚袋楊復隨給事郎行

內侍省奚官局令制

勅具官楊復隨資於周敏濟以器能居廣衆而和光列禁

司而幹務播於公議實曰上流諒檢操之不渝顧津途而莫測允承嘉命勉副寵遷無違恪恭以就光大可依前件

中書舍人苗深母瑯琊郡太君王氏封瑯琊郡太夫人祠部郎中知制誥張文蔚母扶風郡太夫人蘇氏封馮翊郡太夫人等制

勅具官苗深等母瑯琊郡太夫人王氏等本於仁原於禮保於和處於順故圖史素學風法不衰立我彥臣率由貞訓而識者服儒之道不使忿言加已以羞其親深與文蔚有之矣乃子弟謹身之行履危懼辱之思以承其志渙等

欽定全唐文

卷八百十二

劉崇望

劉處靜

七

有之矣且皆賦祿於朝相戒以養俾榮報德當貴疏封慶集而家數行吾國古之孝理不在茲乎可依前件

石門扈駕功臣六都指揮使檢校司空孫德威母

博陵崔氏封博陵縣太君制

勅具官某母崔氏夫爲人者能以忠勇之謨勞於國戎旅之權既重上公之秩乃高而母氏之封寵章未稱則於王化有所不宏方屬推恩是以用典以光孝養且厚勲臣可依前件

劉處靜

處靜居天台山自號天台耕人會昌中與葉藏質應夷節
爲林泉友

洞元靈寶三師記序

道之體也至靜而無爲道之用也通生而赴感始乎無始
先乎無先起於妙無而生妙有至真之教由茲而立焉我
元始天尊啟重元歷五太握元化運真精總括妙門以爲
法印付於大道君道君繼統以光大之敷暢以宣布之凡
十二印包舉幽蹟窮達元妙以授於老君老君奉而行之
上極三清旁周無外綿亘億載開導未聞帝帝爲師方方

欽定全唐文 卷八百十二

劉處靜

八

立教幽明巨細靡不宗焉自是奕葉紹承師師授度上自
元始下逮茲辰故受道尊奉其爲度師乎度師之師曰籍
師籍者嗣也嗣籍真乘離凡契道籍師之師曰經師經者
由也由師開悟捨凡登仙三師之重婉於祖宗祖宗能傳
之而不能使兆致道父母能生之而不能使兆昇仙奉師
之道無以過矣儒家在三之義莫能及焉欽惟三君煥有
明德追仰尊稟瞻慕無階卑自上賓未列圖紀雖貞猷茂
範刊勒於名山而後學門人難披於真輿敢條實錄昭示
將來輒陳小序仍爲頌述道弟吳興陸甚夷已敘道元先

生休烈但繼裁短讚以紀德風庶切慙有終而清規不泯
有唐龍集庚辰中元日甲辰序

元墟墓誌銘

余源承大漢派衍東甌家於縉郡之遂昌鄉居樓得里住
溫恭世奉儒宗不求聞達心存猷畝性好林泉知數知斗
讀易問禮將期升粟以養甘脆因澤畔持竿有傷於吞餌
林間設網乃誤於罝羅况才匪經邦術無清世知艱而退
自保逍遙乃滌去紛拏歸心涉泊宅身雲岫遊神宵冥經
諷五千籙遵三洞陟天台而華頂望滄海而睇神州眺

欽定全唐文 卷八百十二

劉處靜

九

賜谷而對扶桑吸雲霞而吞紫氣因還故里息爾仙都探
安期之舊蹤封軒皇之故跡鍊金溪畔足以濯纓縉雲山
中允宜養志因斯考室宕漾養真性甚疎慵修習不至樂
天知命一任自然年踰從心安得長久不敢比歌於梁木
輒思記過於明夷升騰何期歸土有日預築元墟將爲永
室時唐咸通十四年歲在癸巳六月甲午二十八日辛酉
寅時遭疾卒於前齋當日歸封元墟春秋七十有三其銘
曰

虛皇降氣大化凝真自合長久胡乃沉淪修習不至存思

不勤三魂高邁七魄下湮此必然之期有始有卒生無益人死何勞神預備塋木以掩形質臭莫薰天屍無露日人皆好生誰不惡死賢愚悉然高卑盡爾日月長焉陰陽定矣物有興亡余今休止隱真東臯卓元孤墳高峯映漢聳木干雲烟霞杳靄猿鶴續紛慮川移而谷變乃自作於斯文

高瀛

瀛駢之從子官左驍騎大將軍

呂用之罪狀疏

欽定全唐文

卷八百十二

劉處辭 高瀛 鄭仁表

十

呂用之誑惑尊德塗炭生靈奸僞之名遠近誼沸內則以神仙之事苟媚一時外則行節制之權取怨百姓大將則畏死不說從事則尸祿求容荏苒數年寢成大蠹則克邪以露羽翼將成若不誅之恐高氏勲庸一旦爲此所累

鄭仁表

仁表字休範宰相肅孫登第後從杜審權趙隲爲華州河中掌書記加殿中侍御史內供奉與劉鄩有隙鄩爲相貶死嶺外

左拾遺魯國孔府君墓誌銘并序

咸通十五年三月侍講學士右僕射太常孔公以疾辭內署職其元子左拾遺養疾亦病逾二旬太常公疾少間拾遺疾亦間又旬日太常公薨拾遺哭無時後七十六日亦終嗚乎求諸古未聞也仁表與拾遺同歲爲東府鄉薦策第不中等再罷去明年偕宴於東堂宴之日博陵崔公薨出紫微直觀風甘棠下表爲支使校芸閣書拾遺始及第乞假拜慶新進士得意歸去多不伏拘束假限往往關試不悉集貢曹久未畢公事故地遠迨二千里例不給告時僕射太常公節制天平軍以是勤不得請拾遺曰人之多

欽定全唐文

卷八百十二

鄭仁表

十一

言必以我爲宴安訖春不宴年少乘喜氣赤春頭竟不對狎客持一杯酒人以爲難關試日都堂中揖別同年徑出青門外經所爲從事州入院判案十日東去府適罷賢諸侯爭走羔雁馳弓旌竟不能致徵爲渭南尉直宏文館久之會大學士出將竟不就僕射太常公罷鎮居洛中拾遺伏安定省不嘗言仕宦旋以萬年尉復怙文職無西笑意僕射徵拜司戎貳卿拾遺由侍行乃赴職越一月今許昌太傅相國襄陽公爲河中奏署觀察判官假監察御史故事赤尉從相府得朱紱公昆仲間有未至者求裏行官不

改服色人人美譚之俄轉節度判官從知之道皎然明白
和而不柔守而能通內盡匡補而外若不知相君待之異
禮俄拜左拾遺內供奉嗚乎止於是何也春秋始卅三矣
惜哉公至性自生知雖欲全其禮傳於後開強忍抑不能
俯就始得疾不言於人因晡哭若絕左右始知有病句甚
矣句卧聖室中不復進饘餌疾益亟方肯歸常所居舍悉
召骨肉迨僕使唯言僕射公葬時事指揮制度必以古禮
戒誨約束委曲備悉左右皆泣公曰吾平生無纖小不是
事天報我甚厚使亟得歸侍地下爾盍賀而返以泣耶吾
欽定全唐文 卷八百十二 鄭仁表 三

此無舟濟大川初玉季載考其義莫究指歸旣痛絕手足
若洗然而悟曰許無言是午字今歲在午也震不雨是辰
字其哀瘵至甚移歸院就醫是辰日及奄然之日驗於官
厯是上弦日又應月當弦之識也吁似有所潛受於冥昧
間何懸知之若是也憶於洛陽里第始相與定交公曰何
以契我余曰死患難先祿位託孤寄命同休共感此義交
也見善相勉也見利相遠也言之而必行守之而必固一
旦離此則攻而絕之使處世爲匪人殁身無怨言斯益友
也余將與吾子契之自是過必相攻善必相激相成如恐
欽定全唐文 卷八百十二 鄭仁表 三

婢始十歲甚肖似憶與公約生子命名必如兄弟愚之子曰後魯他日鐵婢當以還魯字之易云積善之家必有余慶善之教必闡於道儒釋釋固無嗣皇家公家道儒之餘慶也公又賢而無祿其後益大以昌女少於男銘曰嗟嗟夫君嗟嗟夫君孔聖遺允顏回後身高高者天幽幽者神幽幽不見高高不聞不見不聞又何足以云云

裴樞

樞字紀聖絳州聞喜人咸通十二年進士再遷藍田尉直宏文館從僖宗入蜀擢殿中侍御史龍紀初進給事中改

欽定全唐文

卷八百十二

鄭仁表 裴樞

十四

京兆尹出爲歙州刺史遷右散騎常侍以戶部侍郎同中書門下平章事罷爲工部尚書出爲清海節度再知政事累進右僕射諸道鹽鐵轉運使哀帝時忤朱全忠意罷政事拜右僕射貶登州刺史又貶隴州司戶參軍至滑州全忠遣人殺之白馬驛投尸於河年六十五

建石室以藏神主議

禮之必立宗子者蓋爲收是族人東嚮之主亦由是也若祔於遠廟無乃中有一間等上不倫西位常虛則太祖永祚於昭穆異廟別祭則祫享何主乎合食永闕比於姜嫄

則推祥禱而無事於禮夫親親故尊祖尊祖故敬宗敬宗故收族收族故宗廟嚴宗廟嚴故重社稷由是言之太祖之上復有追尊之祖則親親尊祖之義無乃乖乎太廟之外輕制別祭之廟則宗廟無乃不嚴社稷無乃不重乎且漢丞相韋元成請瘞於園晉徵士虞喜請瘞於廟兩階之間喜又引左氏說古者先王日祭於祖考月祀於曾高時享及二祧歲祫及壇墠終禘及郊宗石室是爲郊宗之上復有石室之祖斯最近矣但當時議所處石室未有準的喜請於夾室中愚以爲石室可據所以處之之道未安何者夾室謂居太祖之下毀主非是安太祖之上藏主也未

欽定全唐文

卷八百十二

裴樞 許崇

十五

許崇

崇字文化咸通末進士

唐故浙江道五部兵馬大元帥平南節度使銀青

光祿大夫檢校尚書令戴公墓誌銘 并序

府君諱昭字德輝姓戴氏其先杜陵人也裔出周卿佚之後業勲承家軒冕繼嗣祖諱非字名章志秉松筠迹疎名利高尚之德聰明之資父諱宏字仲廣學宗儒術德越前修惟府君罄誠節以奉公負溫和而治衆婚隴西鄭氏備集閨儀包含淑德府君爰自咸通元年逢黨裘甫叛自富陽竊持朱旆都督王式遣團練押衙雲公思益統領銳師誅夷蜂蠆趨於槩水陟彼高岡府君以奮節雄之括於私第故帑藏之資發倉廩之糧獻以奇謀饋以營壘而元克投戈羣黨請命雲公感府君以精才懋畧德誼加人遂爲

欽定全唐文

卷八百十二

許棠

七

上陳請甄前功然承寵渥旅列轅門後時草寇周了髻剽刼武義浸聚羣凶王郢悖亂狼山深乘巨艦當其征戍獲息妖氛况又頃歲黃巢之衆鼓譟驚天雲旗蔽野巨魁旣攻鄰郡輕騎復剽茲邦宣欽觀察使崔珙知府君負三畧之材蘊六韜之術遂遣簡練精旅防虞浣溪纔展征車俄奔困獸粵奉察兼八政累承寵錫一同擢以班榮制於鎮轄而元勛益著妙畧潛施後有順節者團練押衙文堂以逭刑章一朝面縛雖從惠化尚叶姦回去載中春構逆於府垣之下脅從於營壁之間遽率凶狂欲趨陶嶺而躍臨

境感於畏威竊危忘軀遂由間道府君親持矢石赴隴泉大呼而山樾掃清匪日而妖禽薄滅洎於秋八月台嶺劉文之暴奔趨鏡水之濱府君挺南面之戈矛輔雄藩之籌畧始張貔虎之旆已懾萑蒲之羣顧勲業之無儔實古今之可冠遂鎮概水統以雄師境內莫不澄清汰除姦蠹者也凡挺節驍雄之士咸歆望其趾焉自歷踐崇列詔榮故邦當忻孝養之隆深限幽明之阻嗚乎享年五十有八中和二年八月二十日寢疾終於陶朱鄉里之私第以其年十二月十六日葬於當縣靈泉鄉溫泉里斗泉之源也有

欽定全唐文

卷八百十二

許棠

七

子四人長曰惠材益懋華志用踰倫冠征戎羣心企踵次曰堂去載劉文蟻聚亦跳戰於鏡濱恩渥荐臨轄於茲嶺嘗飲水以厲已無遺藥以畱後慷慨爲時操持自遠婚於平陽霍氏次曰忠曰闕皆素業前傳清規是守時方幼歲器用踰倫有女三人長適高陽左氏肅雍婦道敬戒閨儀次方問名於盧氏次卽閨室未遑淑德咸備其餘親親勲統不復一一繫紀也今則卜此重岡松蘿擁謁伏慮年代寢遠陵谷改更命於斯文刊於貞石以紀誌之銘曰太華磅礴將積陰陽七政無息百齡有常英雄峻節令譽

彌芳挺身報國奮劍安邦繼臨寵渥以起輝光元勛特立
妙畧九彰豈期微疾俄歸墓鄉闔營悽慘里巷悲傷卜兆
靈野烏仗泉鄉素月皎皎寒松蒼蒼一寔元戶永祚遐昌

馮贊

贊金城人

雲仙雜記序

纂類之書多矣其間所載世人用於文字者亦不下數十
輩則今未免爲陳言也予事科舉三十年蔑然無效天祐
元年退歸故里築選書室以居取九世所蓄典籍經史子

欽定全唐文

卷八百十二

許崇 馮贊
樂彥楨

大

集二十萬八千一百二十卷六千九百餘帙撮其膏髓別
爲一書其門目未暇派別也成於四年之秋由急於應文
房之用乃不能詳又數歲復得終篇者四部英華筆頭飛
文壇戈戟應題錄皆傳記集異之說若見於尋常之書者
此必畧之庶兵火煨燼之後或者不至束手豈小補歟同
志者幸爲珍秘之天復元年十二月馮贊序

樂彥楨

彥楨魏州人少爲本州軍尉歷博州刺史遷澶州魏博節
度韓簡死以檢校工部尚書領畱後進節度使中和四年

累加尚書左僕射同中書門下平章事僖宗自蜀還加開
府儀同三司再拜司徒子從訓之亂爲亂軍所殺

致太原汴州兩鎮書

光啓三年正月五日魏博陵節度使開府儀同三司檢校
司空同中書門下平章事樂彥楨謹齋戒三日致書於二
鎮足下蓋聞天生蒸民而樹之君以司牧百姓主握二柄
禮樂征伐之所興勅寇奸雄之所懼是以大君有率臨之
典羣后承專制之權內守憲章外憑教命其或大盜移國
黎民墜塗身居戎閫之榮手綰兵符之重傍觀喪亂坐俟

欽定全唐文

卷八百十二

樂彥楨

五

危亡旣虧社稷之謀又失子孫之計此亦義夫之所慷慨
烈士之所咄嗟敢以狂愚伏陳英悟伏以我國家啓運開
國承家創基三百春秋億兆臣妾自羣凶蟻聚中寓土分
乘輿奔走於道途宗廟荒涼於草莽今者監國雖立朝綱
已頽皇祚莫知其所安蒼生莫知其所訴天子之威不能
加四海諸侯之力不能保一方弱者危而強者吞雄則飛
而雌則伏竟亦身殞名滅國家破離咸有其繇取鑒非遠
大約以諸藩捨本就末忘義背盟謀不相從言不相信國
是以間敵繇此興與其俱亡曷若共霸論桓文之事則人

未敢先爲魯衛之邦則誰爲不可是以研詳典故揆度事機輒敢指陳庶裨權畧今者秦宗權起於織蠶漸恣狂鋒南苞荆襄北跨河雒屠城拔邑暴物害人使父子不得相全夫妻不得相保血肉塗地荆榛蔽天不織而衣人之衣不耕而食人之食凶酷之甚古今所無竊據要津下視諸鎮而又河東軍擁旄重地受國深恩稔宴安以未移縱貪婪而不息奄有上黨又吞覃懷張皇威聲凌脅蕃屏皆蓄併吞之志盡懷僭大之謀非謂未萌已觀成釁况孟津之衆尋驗保姦汝水之戎果明濟惡仍且海內皆困河南盡

欽定全唐文

卷八百十二

樂茂碩

壬

饑切料凶狂倍生窺顧若不早爲之計必慮悔不可追非宜坐以俟危拱而受制或一隅失所則諸鎮可虞唇旣亡而齒必寒皮不存而毛安附而從事始先度禍胎將去本根要傾巢窟况大河之內常山之陽東極海隅北亘蕃部輿壤如砥列城似林億萬衆之甲兵百千羣之鐵馬建牙樹屏仗鉞分麾周封者盡是賢侯漢拜者莫非名將彼唱此和連衡合從豈能西不如太原南不如蔡賊非惟可恥誠亦堪悲蓋繇久屬昇平素無交結慮爲姦人鬪謀或置鄰道猜嫌思我同心共爲永計今請常山太尉幽州司空

荊州司空滄州雷守常侍各命至親兒姪或弟兄二人擇地築壇卜日赴會嚴修齋戒虔告神祇歃血誓詞藏之盟府然後以茲五鎮共爲一家有事則同謀有征則同舉扶持王室掃蕩賊臣收陷失之土疆開朝貢之道路其爲大義莫尚於斯謹請當道李山甫判官奉書陳請呼天告盟指日爲誓虔聽明命以行壯圖社稷幸甚生靈幸甚

鄭昌嗣

昌嗣乾符時人

建尊勝幢記并讚

欽定全唐文

卷八百十二

樂茂碩

鄭昌嗣

壬

昭然大唐明聖文物之代符堯舜垂衣之治者蓋我后以天下爲一家西涉流沙南盡北戶東有東海北過大夏人跡所至無不臣者行禹湯罪已之道荷聲明之大業不拓土不開疆烽燧弭徹干戈載戢海外有截中夏晏然無繁賦無勞人慰弱省刑鰥寡孤獨各得其所生物遂其性者蓋闕二敷布德被遐邇所及也然後顯佛禮崇釋門無賢無愚咸知虔信遂使水不爲沴旱不爲災歲不至大侵寇不嘗小起我之帝德也我之佛力也時之感致也斯邑也有邑人劉初昇等敬善彌堅雖匹夫不可奪志私願首舉

響應其言中無難色者是向道不迴矣遂立佛頂尊勝陀羅尼經幢并座高叁拾尺幢之建也力非富工非抑饋給者不以疲爲辭負販者不以利爲恡大哉神通有是化也力既就矣功既成矣永願淨除妄想超越一切聲聞緣覺觀如來不可思議就精進及心慧智離陰界入解脫識相求漸淨非頓之門受安樂具足之福曉四禪逾九地得无生之妙法決大乘之深教祿壽需需精進不怠冀瞻部之苦共登羅之因聊紀歲時用彰不朽讚曰

有漢興教有唐彌遵厥典昭彰化萬人惡不染著善證

欽定全唐文

卷八百十二

鄭昌嗣 周繇

三

果因蠢蠢羣生同霑影塵其一解脫煩惱有陀羅尼咸生淨土受大慈悲桑田可變陵谷可移惟茲立石鎮古巍巍

周繇

繇字爲憲池州人咸通十三年進士調建德令辟襄陽徐

商幕府檢校御史中丞

夢舞鍾馗賦

以德至前王始觀神跡爲韻

皇躬抱疾佳夢通神見幡綽兮上言丹陛引鍾馗兮來舞華茵寢酣方悅於宸宸不知爲異覺後全銷於美疾始訝非真開元中撫念齊民憂勤大國萬機親決於宸斷微瘥

遂沾於聖德金丹術士殊乖九轉之功桐籙醫師又寡十全之力爰感神物來康哲王於時漏滴長樂鐘敲建章局禁闥兮閉羽衛虛寢殿兮闐嬪嬙虎魄枕欹象榻透熒熒之影鰕鬚簾捲魚燈搖閃閃之光聖魂愴怛以方寐怪狀朦朧而遽至砵礪標衆顛顛特異奮長髯於闊臆斜領全開搔短髮於圓顙危冠欲墜顧視纔定趨踰忽前不待乎調鳳管揆鸞弦曳藍衫而颯纚揮竹簡以踴躍頓趾而虎跳幽谷昂頭而龍躍深淵或呀口而揚音或蹲身而節拍震雕拱以將落躍瑤堦而欲折萬靈沮氣以悼惶一鬼傍

欽定全唐文

卷八百十二

周繇

三

隨而奮躑烟雲忽起難畱舞罷之姿雨電交馳旋失去來之跡睿想纔悟清宵已闌祛沉痾而頓愈痒御體以猶寒對真妃言寤寐之祥六宮皆賀詔道子寫婆娑之狀百辟咸觀彼號伊邠亦名鬱壘儼扶於凝沍之末驅厲於發生之始豈如呈妙舞兮薦夢明君康寧兮福履

欽定全唐文卷八百十三目錄

陸希聲

唐太子校書李觀文集序

道德真經傳序

北戶錄序

周易傳序

君陽遁叟山居記

仰山通智大師塏銘

紇干濬

欽定全唐文

卷八百十三

目錄

一

贈太尉韓允忠神道碑

公乘億

復河湟賦

魏州故禪大德獎公塏碑

唐太師南陽王羅公神道碑

齊光乂

陳公神廟碑

裴導

陳公神廟碑銘

楊師立

數陳敬瑄十罪檄

蘇鶚

杜陽雜編序

欽定全唐文

卷八百十三

目錄

二